

Ta in nañinmej in COVID eo Etto An Päd?

Nañinmej in COVID eo Etto An Päd ej kajjojo kain nañinmej ak jorrän in äjmour ko rej walok ñan jet armej elikin aer kar bök COVID-19.

Elañe kwo mour jen nañinmej in COVID-19 bötab kwoj eñjake wöt am nañinmej, melemen emaroñ wör am nañinmej in COVID eo Etto an Päd.

Elukkun löñ kain kajjojo nañinmej ak jorrän in äjmour ko rej ekkejelok ippen COVID eo Etto an Päd. Remaroñ jino walok jiljino allöñ ko elikin am mour jen COVID-19 im wönmanlok wöt iumin elöñ allöñ im ak bölen elöñ yiö ko tokelik elikin aer kar lo im kömadmödi.

Armej ro im rej bök COVID eo Etto an Päd ekkä aer eñjake:

Wäwen kein:

Mök ak möjno im ejjelok kajoor, biba, im ak nana tümin elikin an lap an makötköt im lömnak.

Nañinmej in Op/Är im Menono:

Bokbok, ikijelok ak pen an menono, metak op, mökaj an menono bam (menono emökaj an bam ak ej böjrak)

Men ko jet:

Metak makoj ko ak majöl ko, ebönöjnöj, ukoktak iien an mijen allöñ ak mijen körä

Nañinmej ilo Kömelij:

Epen im ejjab emman an lömnak, metak bar, ejjab emman an kiki, enitöltöl enbwönin, aröboulul, büromöj, inebata

Jikin möñä im loje:

Ilook ak bidodo loje, metak loje

Nañinmej kein emaroñ bök iien etali im emaroñ pen ñan ad kile im jelä ta ak unin aer walok

Kajitök ko ekkä an armej ro kajitök kön COVID in Etto an Päd

Wön eo emaroñ bök COVID in Etto an Päd

Jabdewöt eo ej bök COVID-19 emaroñ bök COVID in Etto an Päd. Ekkä an walok ñan armej ro im ear lap aer nañinmej ak droolool ñe rej bök COVID-19.

Ewi wäwen aer kakilen im jelä ke ewör an juon armej COVID in Etto an Päd?

Ejjelok teej ñan aer lo im jelä ke ewör an juon armej COVID in Etto an Päd. Juon taktö enaj aikuji lale im etale rekot in melele ko kön äjmour eo an ri nañinmej eo jän jinoin mantak, ekoba kakölköl ak teej ko kön COVID-19 im kömman etale im kakölköl kön wäwen äjmour eo an.

Uno ko rej litok ilo wä rej ke jibañ böbrae COVID in Etto an Päd?

Etale ko rej kwalok bwe armej ro me emöj aer bök wä in böbrae nañinmej kein remaroñ jab bök COVID in Etto an Päd jen ro rejañin bök wä in böbrae kein.

Ejañin lukkan wör kömadmöd ko rejjet im alikar ñan COVID in Etto an Päd.

Taktö ak ro rej letok äjmour remaroñ kömmane juon “personal medical management plan/lajrak in ta eo ri nañinmej eo ej aikuji im kömadmöd ko rekkar me remaroñ jibañ kejbärok äjmour eo an” ekoba: uno, lolok im konono ippen taktö ro retijemlok, kömakököt enbwön ñan kökajoor lok, bök naan in kabilök im jibañ. Men kein remaroñ jibañ kökömanman lok an äjmour im wäwen an mour.

